

NALUNAARUTIT - Grønlandsk Lovsamling

Serie C-II

- 3 SEP. 1997

Immikkoortoq S
(Sulisunik Siulersuisut)
(S.S.K.)

Kalaallit Nunaanni Naalakkersuisut aamma Sulisunik Siulersuisut Kattuffiata akornanni tunngaviusumik isumaqatigiissut.

Tunngaviusumik isumaqatigiissut una Sulisunut Siulersuisunut Kalaallit Nunaanni Naalakkersuisut Sulisunik Siulersuisut Kattuffiatalu akornanni isumaqatigiissutini pineqartunut aammalu Sulisunik Siulersuisut Kattuffianni ilaasortanut isumaqatigiissutit pineqartut naapertorlugit sulisorineqartunut pingitsoorani atuuttussanngorlugu isumaqatigiissutigineqarpoq.

IMAASA NALUNAARSORSIMAFFIAT:

	Qupp.
Kapitali I: Aalajangersakkat nalinginnaasut	3
Kapitali II: Isumaqatigiissuteqartarnek	4
Kapitali III: Isumaqatigiissitsiniarneq	4
Kapitali IV: Eqqissisimasussaataaneq	8
Kapitali V: Sulinermik unitsitsineq	8
Kapitali VI: Sulinermut tunngasunik aaqqiagiinngissutit .	9
Kapitali VII: Aaqqiagiinnginnermut isumaqatigiissitsiniaa- neq	1.
Kapitali VIII: Atuutilernek atorunnaarsinneqarneralu . .	14

Kapitali 1. Aalajangersakkat nalinginnaasut.

§ 1.

Kalaallit Nunaanni Naalackersuisut Sulisunik Siulersuisut Kattuffiatalu suliffeqarfinni suleqatigiinneq siuarsarniarlugu sulinermilu pissutsit eqqissisimasumik aalaakkaasumillu ingerlanneqarnissaat sulissutigiumallugu isumaqatigiissutigaaat.

Imm. 2. Sulisut Sulisunik Siulersuisut Kattuffiannut ilaasortanngorsinnaanerat Kalaallit Nunaanni Naalackersuisunit toqqaannartumik toqqaannanngitsumilluunniit akornusersorumaneqanngilaq.

§ 2.

Sulisitsisup sulinermik aqutsisuullunilu agguataarisussaati-taanera aammalu taamaassorinninnini tunngavigalugu naammattunik sulisoqarnissaminik atuisinnaatitaanera ingerlanneqartassaaq sulisut isumaqatigiissutitigut pisinnaatitaaffiinik ajoqusiinani.

Imm. 2. Tunngaviusumik isumaqatigiissummi uani illua-tungeriit isumaqatigiissutigaaat suleqatigiinnissamut ataatsimiititaliat imaluunniit periarfissat allat tulluurtut aqutsisut sulisullu sinnisoqarfigisaat aqqutigalugit annertunerpaamik suleqatigiinnissaq, sunniuteqaqataanissaq sulinermilu naammassisaqarluarnissaq anguniarneqartassasut.

Imm. 3. Illua-tungeriit isumaqatigiissutigaaat isumaqatigiissutitigut kattuffinnut atuuttussatigut akissarsiat sulinermilu atugassat allat pillugit aalajangersaasoqartassasooq.

Kapitali II. Isumaqatigiissuteqarneq.

§ 3.

Isumaqatigiissutit atorunnaartussangortinneqarneranni nutaamik isumaqatigiissuteqarumalluni isumaqatiginninniarnarit imaluunniit allatigut isumaqatigiissuteqarnissat isumaqatiginninniarumalluni kissaateqarnerup kinguninnguatigut piaarnerpaamik, kingusinnerpaamilli qaammatit sisamat qaangiunnerisigut, aallartinneqartassapput. Nutaamik isumaqatigiissuteqarumalluni isumaqatiginninniarnissat aaggissuunneqartassapput isumaqatigiissutissaq nutaaq isumaqatigiissutigineqarsinnaangorlugu isumaqatigiissutip atorunnaartussangortinneqartup atorunnaanginnerani.

Imm. 2. Isumaqatigiissut atorunnaartussangortinneqareerpat piffissallu atuuffiata naareerneratigut illua-tungeriit pissaapput allamik isumaqatigiissuteqartoqarnissaata tungaanut imaluunniit malittarisassat naapertorlugit, tak. § 6, sulinermik unitsitsisoqarpat tassani aalajangersakkat eqqortissallugit.

Kapitali III. Isumaqatigiissitsiniarneq.

§ 4.

Illua-tungeriit isumaqatigiissutigaaat isumaqatiginninniarnarit isumaqatigiissuteqarfiunngippata aammalu sulianik unitsitsinissaq ilimasaarutigineqareersimappat, tak. § 6, illua-tungeriit suliassap isumaqatigiissitsiniartumut tunniunneqarnissaa kissaatigisinnaagaat, taamalu pisoqartillugu malittarisassatut aalajangersakkat imm. 2-miit imm. 11-mut pineqartut atortuulersinneqassallutik.

Imm. 2. Isumaqatigiissitsiniartogassatillugu illua-tungeriit nutaamik isumaqatigiissusioqataallunilu isumaqatigiissitsiniartussamik toqqaasassapput. Isumaqatigiissitsiniartussap toqgarneqarnissaa isumaqatigiinngissutaatillugu taanna Kalaallit Nunaanni eqqartuussisut qullersaannit toqgarneqartassaaq.

Imm. 3. Illua-tungeriit pisussaapput isumaqatigiissitsiniartup ataatsimiigiaqqusissutai akuerisassallugit.

Imm. 4. Isumaqatigiissitsiniartog isumaqatigiissitsiniarnisaminik aalajangeruni isumaqatigiinniarnit sioqqullugit imaluunnit pinerisa nalaanni qaqugukkulluunniit isumaqatigiissitsiniarnissaminut tunngaviusussamik illua-tungeriinnut piumasaqarsinnaavoq sulinermik unitsitsinissaq ilimasaarutiginegareersoq kinguartinneqaqqullugu. Kinguartitsineq sulinermut tunngasumik akkerleriissuteqarnermi ataatsimi ataasiaannarluni pisinnaavoq annerpaamillu sap.akunnerinik marlunnik sivisususeqassalluni.

Imm. 5. Akkerleriissutip eqqissisimasumik naammassineqarnissaa pissutigalugu isumaqatigiissitsiniartog illua-tungeriinnik isumaqatiginninniarnermi pisinnaatitaavoq akuersissutigeqqusaminik innersuussuteqartarnissaminut.

Imm. 6. Isumaqatigiissitsiniartup malugiguniuk isumaqatigiissitsiniarnit ingerlateqqinneqaraluarnerani illua-tungeriinnit isumaqatigiissutaasinnaasumik siunnersuuteqarnissamut tunngavissaqanngitsoq, taava piumasarisinnaavaa sulinermik unitsitsinissap aallartinneqarnissaa imm. 4-mi kinguartitsinerup saniatigut suli sap.akunneri marluk kinguartitseqqinneqassasoq, makku pissutigineqarpata:

- a. sulinermik unitsitsinikkut inuiaqatigiinni sullissi-viit/sullissinerit inuunermut pingaaruteqarluinnartut eqqorneqartussaasut, imaluunniit
- b. isumaqatigiissitsiniartup malugippagu sulinermik unitsitsineq inuiaqatigiit ingerlanneqarneranni allatigut annertuumik sunniuteqartussaasoq, imaluunniit
- c. sulinermik unitsitsineq immi inuiaqatigiit ingerlanneqarneranni annertuumik sunniuteqarnavianngitsoq, kisiannili killiffigisaq tunngavigalugu malunnarsippat akerleriinnerup tamakkiisup eqqissisimasumik naammassineqarsinnaanissaanut pingaaruteqarluinnartumik sunniuteqartussaasoq.

Imm. 7. Piffissami imm. 4 aamma 5 malillugit sulinermik unitsitsinissap kinguartinneqarfiani akerleriissutip qaangerneqar-nissaa anguniarlugu isumaqatigiissitsiniartup illua-tungeriit isumaqatiginiqqilissavai. Tamannali isumaqatigiissutissamik illuatungeriit akuerisinnaasaannik siunnersuuteqarnissamut aammattaq tungavissiiingippat isumaqatigiissitsiniartup isumaqatiginninniarnertit unitsinneqavissutut nalunaarutigissavai. Tamatuma kingornagut imm. 6-imi aalajangersagaq atorneqarsinnaajunnaassaaq, taamalu illua-tungeriit piffissap kinguartit-siviusup naaneraniit suliamik unitsitsinissaminnut pisinnaa-titaalissapput.

Imm. 8. Tamanna isumaqatigiissitsiniartup siunertaqarluarsori-guniuk isumaqatigiissutissatut siunnersuummik saqqummiussaqar-sinnaavoq, illua-tungeriilli isumaqatigiissutissatut siunnersuummut arlariillutik akissutaannik tiguisoqarsimatinnagu aammalu isumaqatigiissitsiniartoq akuersisimatinnagu avammut saqqummiussassaanngitsumik.

Imm. 9. Illua-tungeriit isumasioqatigereerlugit isumaqatigiis-sutissatut siunnersuutip akuersissutigineqarnissaanut itigar-tinneqarnissaanulluunniit isumaqatigiissitsiniartoq piffissa-liissaaq. Tamatumunnga atatillugu isumaqatigiissitsiniartup

aalajangersinnaavaa sulinermik unitsitsinissamik ilimasaaruti-
gineqartut piaarnerpaamik aallartinneqarsinnaasut ullup akis-
suteqarfigisap kingorna ullut pingajussaanni.

Imm. 10. Isumaqatigiissutissatut siunnersuut kattuffiup iluani
taasissutigitinneqaruni isumaqatigiissitsiniartumit allanne-
qarsimanermisut taamaallaat saqqummiunneqartussaavoq aammalu
akissutigineqartussat taamaallaat erseqqivissumik angernerul-
lutilluunniit naaggaarnerusinnaapput. Kattuffiup isumaqati-
giissutissatut siunnersuummut aalajangernerera kattuffiup malit-
tarisassaani aalajangersakkat naapertorlugit pisassaaq. Tama-
tuma inernerera tiguneqarpat Kalaallit Nunaanni Naalakkersuisut
Sulisunik Siulersuisut Kattuffiataluunniit isumaqatigiissitsi-
niartog tamatumingga allakkatigut nalunaarfigissavaat. Sulisu-
nik Siulersuisut Kattuffiata Kalaallit Nunaanni Naalakkersui-
sulluunniit isumaqatigiissutissatut siunnersuummut isummerner-
allanut tusarliunneqassanngillat isumaqatigiissitsiniartumit
tamatum inernerera nalunaarutigineqarpat, taamaallaalli Kattuf-
fimmud namminermit isumaqatigiissitsiniartumullu saqqummiun-
neqaqqaassalluni.

Imm. 11. Illua-tungeriit isumaqatigiissutigaaat isumaqatigin-
ninniarnerni isumaqatigiissitsiniartup siulersugaani illua-
tungeriit ilisimatitsissutaat imaluunniit siunnersuutaat pil-
lugit nalunaaruteqartassanatik imaluunniit uppersaatitaqar-
tassanatik taamaaliornissaq illua-tungeriinnit tamanit akuer-
sissutigineqanngippat aammalu taamaaliornermi taamaallaat isu-
maqatigiissutip iluaniittut ilaannaat pineqarpata.

Kapitali IV. Eqqissisimasussaataaneq.

§ 5.

Isumaqatigiissuteqarfigisami isumaqatigiissut sulii atuutsillugu isumaqatigiissummilu pineqartumi tamanna tunngavissinneqarsimatinnagu sulinermik unitsitsisoqarsinnaangilaq.

Kapitali V. Sulinermik unitsitsineq.

§ 6.

Illua-tungeriit kinguliini malittarisassat malillugit sulinermik unitsitsinissamat ilimasaaruteqarsinnaatitaanit akuer-saarpaat.

Imm. 2. Sulinermik unitsitsinissamik aalajangerneq allakkatigut immikkut uppersaaserluni tigusassatigut illua-tungersamat nalunaarutigineqartassaaq aallartinneqarnissaa minnerpaamik qaammamik ataatsimik sioqqullugu.

Imm. 3. Allakkani imm. 2-mi taaneqartuni sulinermik unitsitsinissap annertussusia qanorlu iluseqarnera nalunaarneqarsimasapput, tak. imm. 5 aamma 6.

Imm. 4. Sulinermik unitsitsineq qaammatip ulluani siullermiit taamaallaat aallartinneqarsinnaavoq.

Imm. 5. Sulinermik unitsitsinermi ilaasortat illua-tungeriit isumaqatigiissuteqarnerisigut peqataasussaataangitsut peqataatinneqarsinnaangillat (ingerlatsivinni upalungaarsimansaq pissutigalugu).

Imm. 6. Sulinermik unitsitsinertut isigineqassapput suliumajunnaarnerit, sulisitsisup sullivinnik matusineri, sullivinnik

assersuinerit aammalu sulisitsisup sulisorinnikkumajunnaar-
neri.

Imm. 7. Sulinermik unitsitsinerup taamaatitinneqarneratigut
ilaasortat atorfigeriikkaminni suliatik pisariaqanngitsumik
kinguarsaaffiginagit suliareqqilissavaat. Sulinermik unitsit-
sineq pissutigalugu illua-tungeriit arlannaannilluunniit ajo-
qusiisoqassangilaq.

Imm. 8. Illua-tungeriit pisussaapput unioqutitsilluni suli-
nermik unitsitsinerit taperse'sunnginnissaanut aammalu tama-
tigut naapertuuttunik iliuuseqarnertigut akornuserniarnissaan-
nut, kiisalu unioqutitsilluni sulinermik unitsitsisogassappat
tamatumataamaatitinniarnissaanut.

Kapitali VI. Sulinermut tunngasunik aaqqiagiinngissutit.

§ 7.

Illua-tungeriit akornanni isumaqatigiissutaareersut qanoq paa-
sineqarnissaat aammalu unioqutinneqarneri, tamakkununga
ilangullugit inunnik ataasiakkaanik soraarsitsinermi kinaas-
susersiortoqarsimaneranik apeqqutit, paragrafimi matumani ma-
littarisassat malillugit paaseqatigiissutigineqartassapput
aammalu sulinermik unitsitsinermik qanorluunniit ittumik kin-
guneqartinneqartassanatik.

Imm. 2. Isumaqatigiinngittoqalersillugu isumaqatigiinngissu-
taasoq suliffimmi pineqartumi illua-tungeriit isumaqatigiinni
arnerisigut piaartumik paaseqatigiissutiginiarneqartassaaq.
Isumaqatigiinniarnert inernerat illua-tungeriinnit atsior-
neqartussanngorlugu allaganngorlugu imaqarnilliorneqartassaaq
najukkamilu S.S.K.-p immikkoortortaarfianut, S.S.K.-mut a-
am-malu Kalaallit Nunaanni Naalakkersuisunut nassiunneqartas-

Isumaqatiginninniarnerni imm. 2-mi taaneqartuni isumaqatiginninniarnerni suliffik pineqartoq aammalu najukkami qk.-p immikkoortorta qarfia suliaasaq pillugu isumaqatigiinnalissapput.

Imm. 4. Isumaqatiginninniarnernit piaarnerpaamik aallartinneqartassapput aammalu imaqarniliaq imm. 2-mi taaneqartoq isumaqatiginninniarnerni ilanngunneqartassalluni.

Imm. 5. Imm. 3 malillugu isumaqatiginninniarnernit inernerat illua-tungeriinnit atsiorneqartussanngorlugu allaganngorlugu imaqarniliorneqartassaaq aammalu Sulisunik Siulersuisut Kattuffiannut Kalaallit Nunaannilu Naalakkersuisunut nassiunneqartassalluni.

Imm. 6. Imm. 3-mi taaneqartutut isumaqatiginninniarnernit akertuquttip aqqinneqarneranik kinguneqanngippata Sulisunik Siulersuisut Kattuffiat aammalu Kalaallit Nunaanni Naalakkersuisut suliaasaq pillugu isumaqatigiinnalissapput.

Imm. 7. Isumaqatiginninniarnernit piaarnerpaamik aallartinneqartassapput, kingusinnerpaamilli tamatumingga kissaateqarnequllunik 14-inik kingoqqullugu, aammalu imaqarniliaq imm. 5-mi taaneqartoq ilanngunneqartassalluni. Kattuffiup isumaqatiginninniarnissaanik kissaateqarnerit kingusinnerpaamik saqqumminneqarsimassapput najukkami isumaqatiginninniarnernit pineranniit kingusinnerpaamik qaammatit marluk qaangiunnerisigut.

Imm. 8. Imm. 6 malillugu isumaqatiginninniarnernit inernerat illua-tungeriinnit atsiorneqartussanngorlugu allaganngorlugu imaqarniliorneqartassaaq.

Kapitali VII. Aaqqiagiinnginnermut isumaqatigiissitsiniaaneq (voldgift).

§ 8.

Akerleriissut isumaqatiginninniarnerni § 7-imi taaneqartuni aaqqiivigineqanngippat tamanna aaqqiagiinnginnermi isumaqatigiissitsiniaasartunut aalajangiiffigisassanngorlugu saqqummiunneqartassaaq, taamaaliornissaq illua-tungeriit arlaannit piumasarineqarpat.

Imm. 2. Aaqqiagiinnginnermi isumaqatigiissitsiniaasartut talimanik ilaasorta qarput: Siulittaasoq kiisalu isumaqatigiissitsiniaasartut sisamat.

Imm. 3. Aaqqiagiinnginnermi isumaqatigiissitsiniaasartut siulittaasuut, Kalaallit Nunaata Eqgartuussiviani eqgartuussisut siulittaasuattut sulinissamut piumasarisanik naammassinnissimasussaq, ukiuni marlukkaartuni illua-tungeriit isumaqatigiinnerisigut toqqarneqartassaaq.

Imm. 4. Isumaqatigiissitsiniaaqataasartussat suliassamiit suliassamut illua-tungeriinnit toqqarneqartassapput, tassami illua-tungeriit tamarmik isumaqatigiissitsiniaaqataasartussanik marlunnik toqqaasassammata.

Imm. 5. Maalaaruteqartup maalaaruteqarnermini allagaqaamminut ilanngullugit tunniutissavai isumaqatigiissitsiniaaqataasussatut toqqakkami aqqisa najugaasalu allasimaffii.

Imm. 6. Maalaaruteqarfigineqartup maalaaruteqarnermi allagaqaatip tiguneraniit ullut 30-it qaangiutsinnagit isumaqatigiissitsiniaaqataasussatut toqqakkamik aqqisa najugaasalu allasimaffii saqqummiutissavai.

Imm. 7. Aaqqiagiinnginnermi isumaqatigiissitsiniaasartunik pilersitsisoqarnissaanik kissaateqarneq maalaaruteqarnermi allagaqaatitut ilusilerneqarsimanngippat maalaarut aaqqiagiinnginnermi isumaqatigiissitsiniaasartut siulittaasuannut tunniunneqassaaq kingusinnerpaamik aaqqiagiinnginnermi isumaqatigiissitsiniaasartunik pilersitsisoqarnissaanik maalaaruteqartumut nalunaaruteqarnermiit sap. akunnerisa marluk qaangiunneranni.

Imm. 8. Maalaaruteqarnermi allagaqaat ilanngussartalik siulittaasumit maalaaruteqarfigineqartumut nassiunneqassaaq, maalaaruteqarfigineqartorlu akissuteqarluni ilanngussatut saqqummiukkumasaminik ilalinnik allagaqarnissaminut piffissarititaasumik nalunaarfigineqassaaq.

Imm. 9. Suliassap oqaatsitigut saqqummiunneqarnissaa sioqqullugu siulittaasup aalajangiineratigut illua-tungeriit siultermeerlutik aappassaaneerlutillu imminnut akissuteqarfiginisaminnut akuerineqarnerat nalunaarutigineqartassaaq.

Imm. 10. Aammattaaq Kalaallit Nunaanni eqqartuussisarnernik inatsit pillugu nalunaarummi aalajangersakkat pissutsit qanoq ittuuneri naapertorlugit qajassuarnerusunngorlugit atuutitineqartassapput.

§ 9.

Aaqqiagiinnginnermi isumaqatigiissitsiniaasartut pilersinnerqarnermik kingornagut piaarnerpaamik ataatsimiittassapput. Aaqqiagiinnginnermi isumaqatigiissitsiniaasartut oqaloqatigiinneri siulittaasumit siulersorneqartussat siulittaasup peqataaffigisassavai.

Imm. 2. Suliassaq oqaloqatigiissutigineqareerner migut aaqqiagiinnginnermi isumaqatigiissitsiniaasartut ilaasortaanit naliginnaasumik amerlanerussuteqarnikkut aalajangiiffigineqartassaaq. Amerlanerussuteqartoqanngippat suliassaq siulittaasumit

aalajangiiffigineqartassaaq. Aaqqiagiinnginnermi isumaqatigiissitsiniaasartut aalajangigaat allanngortinneqarsinnaanngillat aammalu eqqartuussivinnut ingerlateqqinneqarsinnaanatik.

Imm. 3. Isumaqatigiissutinik unioqqutitsisoqartillugu aaqqiagiinnginnermi isumaqatigiissitsiniaasartut tulluarsorisaminnik akiliisitsisinnaapput.

Imm. 4. Aaqqiagiinnginnermi isumaqatigiissitsiniaasartut oqaloqatigiissutigisaat allattaavinnut allattorneqartassapput suliat ataasiakkaat naammassineqarnerini aaqqiagiinnginnermi isumaqatigiissitsiniaasartut ilaasortaanit tamarmiusunit atsiorneqartussanik, suliarlu siulittaasup aalajangiiffigisimappagu taanna immikkut atsiusaaq. Aaqqiagiinnginnermi isumaqatigiissitsiniaasartut aalajangersaanerminnik illua-tungeriit tamaasa nalunaarfigisassavaat.

Imm. 5. Tamanna ajornanngippat suliassaq aaqqiagiinnginnermi isumaqatigiissitsiniaasartunit tiguneqarnerminiit sap. akunerisa sisamat iluanni aalajangiiffigineqareersimasassaaq.

§ 10.

Aaqqiagiinnginnermi isumaqatigiissitsiniaasarfup atorneqarneratigut aningaasartuutaajumaartussanut matussutissat illua-tungeriinnit tamanit amerlaqatigiinnik aningaasartalerlugit Kalaallit Nunaanni aningaaserivimmu toqqorsisoqassaaq. Aningaasat amerlassusissaat aaqqiagiinnginnermi isumaqatigiissitsiniaasartut siulittaasuannit aalajangerneqartassapput.

Imm. 2. Suliamut aningaasartuutit illua-tungeriit arlaata sorliup akilissanerai aaqqiagiinnginnermi isumaqatigiissitsiniaasartut aalajangigassaraat. Tamatuma kingornagut aningaasat

sinneruttut illua-tungeriinnut utertinneqartassapput.

Kapitali VIII. Atuutilerpera atorunnaarsinneqarneralu.

§ 11.

Tunngaviusumik isumaqatigiissut una massakkorpiaq atuutilerpoq, atuutissallunilu sivikinnerpaamik qaammatinik arfinilinnik si-oqqutsisumik ilisimatitserneernikkut oktoberip aallaqqaataanut atorunnaarsikkumaneqarserluni.

Imm. 2. Atorunnaarsitsiumanerup tiguneqarnerata kingornagut nutaamik tunngaviusumik isumaqatigiissuteqarnissaq piaarnerpaamik isumaqatiginninniutigineqalissaq.

Imm. 3. Tunngaviusumik isumaqatigiissutip atorunnaarsinneqarumasup nutaangortinneqarnissaanut isumaqatiginninniarnit oktoberip aallaqqaataa pineqartoq nallerpat naammassineqarsimanngippata tunngaviusumik isumaqatigiissut atuuttoq atorunnaarsitsiumanermut piffissaliussa qangiukkaluarpalluunniit kattuffimmut isumaqatigiissutit atuuttut nutaanik taarserneqarserlugit atuutiinnartassa q, tunngaviusumilli isumaqatigiissut pineqartoq atorunnaassalluni kattuffimmut isumaqatigiissutit nutaat atuutilernerisigut.

§ 12.


Illua-tungeriit tunngaviusumik isumaqatigiissummik matuminnga isumaqatigiissuteqartut atsiormermikkut uppernarsarpaat tunngaviusumik isumaqatigiissuteqarnissaminnut naammattumik pi-sinnaatinneqarlutik.

Nuuk, ulloq 3/9-97

Sulisunik Siulersuisut
Kattuffiat
S.S.K.

Kalaallit Nunaanni
Naalakkersuisut
n.s.

R. Absalonsen
Richardt Absalonsen


Anthon Møller

Matumuuna atorunnaarpoq tunngaviusumik isumaqatigiissut 22. november 1995-meersoq.